

浮山縣志卷之十八

宦績

粵稽秦漢始置郡縣漢多循吏以沿革代更匪惟治行莫考並姓名亦失之歷至宋元遍訪於斷碣殘碑間僅得十餘人有績可紀者惟金主薄郭公一人自明而後類多樹立堅操布施教澤其事雖殊均之奉法守理功在民社有循吏風焉爰集治行以紀厥庸後之官斯土者其亦有所興也夫志宦績

浮山縣志

卷之十八

宦績

一

金

郭用中

臨汾人進士大定七年任浮山主簿善詩文有寂然居士集行世

明

徐秉彝

河南杞縣人洪武初署縣事重修縣治

趙思義

河南杞縣人洪武五年知縣增修堂廡

賀琳

宜君人洪熙時縣丞贊政不苛常捐俸備禮勸富民助償逋稅自是流移復業及憂去民饋贐

不受泣送者

至數百人

王珪

泰安人宣德時歷浮山夏縣兩學教諭教人有方鄰封之士多來就學見府舊志

王 磐 山東沂州人宣德初知浮山縣蒞政廉能鯁介
不屈遇旱齋戒自責徒跣拜禱得雨而後已及

去民攀
留泣下

羅 端 河南鄧州人舉人成化間知浮山縣廉明仁恕
屢遇歲荒曲加撫字賑濟有教民賴以蕪尋卒

士民莫不垂涕為之
罷市三日祀名宦

王 綸 直隸開州人進士弘治間知浮山縣勤於政事
愛民如子夙負文學名振興文教待士有禮嘗

刻表忠勸學二錄令民誦讀以勵風俗後子崇慶任
本省按察副使祀名宦

按舊志宦績羅端為弘治王綸為成化而端反列綸
前又綸傳稱庚戌進士自成化元年乙酉遡庚戌為
宣德五年歷年三十有六詎有至此始為縣令之理
及讀後平陽守王公溱過浮山懷王公詩云昔我漸

浮山縣志 卷之十八 宦績

二

齋公此地坐鳴琴俯仰三十秋但見松柏林後題嘉
靖五年繇此逆數三十年為弘治十年丁巳又前六
年為庚戌則綸為弘治無疑而端或係成化間任故
先後序列不差特錯互其年代爾今悉正之

陳 瑀 浙江麗水人弘治間除浮山縣學教諭有文名
卒於官凡一時碑記多出其手見府舊志

趙資隆 江南巢縣人正德間知浮山縣為政持大體民
有不葬其親者論以不孝罪其風遂變

許 安 直隸龍門衛人監生嘉靖十一年知浮山縣重
修縣治纂輯邑乘功不可泯

毛述古 直隸滑縣人舉人嘉靖二十二年知浮山縣重
建城門便民出入

吳增光 陝西整屋縣人舉人隆慶間知浮山縣疏通西
城水道有功於民

左 桐 直隸密雲人歲貢萬曆二年知浮山縣創建明
倫堂振興文教

奚子厚

陝西白水人監生萬歷間知浮山縣吏治卓異世共推之見府志

劉伯綬

山東歷城人舉人萬歷間知浮山縣善政甚多民懷其德

趙應斗

直隸鷄澤人舉人萬歷四十二年知浮山縣廉明有善政更建縣治大門民立祠祀之

陳崇虞

府志作陳崇儒雲南呈貢人舉人萬歷間知浮山縣讞獄平允他邑難決之案俱藉審理幾無

虛日歷陞秦

州道有生祠

李乘雲

直隸高陽人舉人崇正間知縣清剛英毅有文武才流寇數萬逼城乘雲善射一發殪賊渠魁

賊遂退城賴以全行取入京尋陞本省兵備道轉河南大梁道駐禹州十五年闖賊以全軍薄城雲泣任方新寡不敵衆遂為所陷賊初謀欲屠城曰何砲傷我多人乘雲曰發砲乃本道所命百姓何與賊脅之

浮山縣志

卷之十八

宦績

三

降厲聲曰本道朝廷命官豈向亂賊求活耶賊怒磔之至死罵不絕口贈光祿卿祀河南忠臣廟祀名宦

國朝

安應耀

奉天人貢士順治六年知浮山縣方正有重望慈威兼濟已丑庚寅之際姜鑲變後餘孽盤踞

縣東南鄉百姓苦之公推心招撫遣千總秦文英鄉耆張三鳳抵賊巢開諭順逆降賊衆八百餘人賞其偽遊擊李元標等六人銀幣胥散遣歸農境內悉平又請豁免荒糧數千石殘民賴以頓蘇縣治為賊所

燬經營締造

視前有加焉祀名宦

楊名世

河南商城人舉人順治十四年知浮山縣綜核敏給周知民情好微行每夜出見縱飲博戲者

輒拘治之盜賊屏息百姓安堵大新學校立社館課士呼字而不名士風因以丕變立有生祠祀名宦

羅博

河南鄭州人進士康熙七年知浮山縣以風節自持懸令與百姓約訟不實者即反坐民畏之訟獄衰息一境肅然又關門館於公署之左暇日集士校課文運頓改則其力也

邱士鏞

福建漳浦人舉人康熙九年知浮山縣聽斷明決有訟者令其自拘民得不擾立有楊邱二公

生祠

潘廷侯

奉天寧遠人舉人康熙十一年知浮山縣涖政嚴明奸宄屏迹深知稼穡艱難親履阡陌勸課農桑創建南門外溝橋北門外廣濟橋至今利之纂修邑乘

李錦

奉天鐵嶺人監生康熙十九年知浮山縣少年英俊持躬清介邑有豪猾不法者按律究治吏民畏服時稱之曰小李爺歷任未久士民惜之

浮山縣志

卷之十八

宦績

四

王槐

河南彰德人舉人康熙二十二年知浮山縣先是邑有里甲科派繁多官利其私百姓每歲輸費浮於丁糧正額槐一下車後毅然裁革又商人私高鹽價和以砂土民多坐私鹽論罪胥釐正之民無淡食設立義學以教邑中子弟民有訐訟者令原告自拘立剖曲直胥役終歲不一出縣門三署隣篆胥有能聲涖任五年以老請歸邑人至今頌遺愛焉祀名宦

張昌吉

奉天人康熙四十四年知浮山縣時邑有巨盜六七人大為民害一時同斃獄中地方寧謐

陸張烈

字昂千浙江海鹽人進士康熙五十二年知浮山縣才智明達沉毅有為涖任七年百廢具興卓有能聲康熙六十年奇荒勸紳士捐米二千石會同在城隍廟散給并令里民具報實在不能舉火者計大小口按五日一散是時鄰邑逃荒接踵獨浮邑百姓無流離之苦全活甚衆時有豪棍挾官害民稟

府調兵擒治民得以安立有生祠行取吏部主事歷官至廣東益法道

王洪縉 福建建陽人舉人康熙六十年知浮山縣臨汾大盜妙計見屢為民害被獲枷示適調孟縣將

離任慮此賊不除終為浮邑大患旋斃之

周毓正 山東鰲山衛人辛丑進士雍正五年知浮山縣慈祥愷悌人不忍欺積學淵深素以文章知名

海內課士衡文藻鑑不爽并出所著文稿廣勵學者去之日士民攀轅不忍別

錢標 江南武進人拔貢雍正八年署浮山縣居官廉靜聽訟明決以才能調榆次

陳政 字布在江西崇仁人拔貢雍正十一年知浮山縣居心仁慈為政平易捐建縣治二門牌坊韓

村界牌坊並重修大門牌坊

浮山縣志 卷之十八 宦績 五

劉士傑 長治縣人歲貢乾隆元年任訓導待士有禮督課不懈

李允 字二非河南沈邱人舉人乾隆五年知浮山縣潔已愛民宣講

上諭導民以孝弟禮讓娓娓不倦鋤強抑暴豪猾斂跡不肯媚事上官有古強項風立有生祠尤工詩詳見藝文

陳維屏 字劍芝號建之江蘇江甯縣進士道光十二年知縣事重修神山書院重建文昌殿啟文祠牌

樓二門號舍院宇等處邑人為立德政碑

李廷揚 號樂亭四川嘉定府樂山縣人道光十三年知縣事城內進士巷向居善類或聚匪窩賭犬為

民害公悉驅除勒碑永禁民賴以安

程國觀字六階順天府宛平縣人道光二十五年以知州來權知縣事興利除弊有廉能聲邑東天壇及堯廟兩山均為闔邑風脈攸關天壇山下路傍舊有一井形家謂於邑文運有礙遂捐廉給近山村人俾別鑿井飲而填平之并勒碑於堯廟記其事以示永禁邑人至今稱之